

江  
風  
忠  
義  
錄



08396

江西忠義錄卷之九

列女傳上

官員家屬

沈秉鏐妻施氏

妾張氏等

王家棟妾張氏

何棻妻薛氏

女品芙等

施氏候補知縣沈秉鏐妻咸豐三年賊圍省城秉鏐奉委守  
惠民門施氏暨家屬居瑞州七月賊陷瑞州施氏與家人皆  
為賊擄置舟中以卒守之不得死罵曰我命婦豈為汝屈大  
兵至行將磔汝矣賊紿以少緩送之歸勸之餐施氏怒曰狗  
彘不食其餘而以此污我乃以食具投賊賊破面血濺衣乃  
殺之同死者妾張氏婦李氏僕高泰婢來喜連喜

張氏知縣王家棟妾浙江西安人咸豐三年家棟署萬安知  
縣時賊圍南昌泰和土匪乘間竊發擾萬安境家棟以家累  
去留謀於其妻趙氏張氏慨然曰妾誓與共存亡以孤弱累

江西忠義錄

卷九 列女傳上

夫人矣趙氏不答未幾賊陷萬安入署中將執趙氏趙氏舉  
石硯擊賊不中為賊斫落四指暈踣於地張氏抱幼子以身  
蔽趙氏賊殺之並殺其子家人陳福同殉難

薛氏建昌知府何棻妻江蘇江陰人咸豐六年薛氏與家人  
寓新城七月賊陷新城薛氏率其三女品芙壽芙宛芙投井  
死同時遇害者僕婦谷張氏婢青鬟事 聞准建專祠於新  
城女等祀

仕宦家屬

王周燻妻周氏

汪茹連妾林氏

蔡其鍾妻陳氏

熊道遜妻萬氏



萬青選妻裘氏子婦程氏 徐思薦妻謝氏嫂顏氏等

徐德廉妻劉氏 伍崇熙妻勒氏

喻庸蕙妻陳氏 楊春華妻李氏蘊華妻周氏

陳元椿妻蕭氏 裘獻章妻彭氏女珍姑

萬方治妻許氏 張映川妻涂氏

劉咸妻譚氏庶母李氏等 吳謙泰妻沈氏女巧姑 沈五姑

周氏新城監生王周熺妻湖口人相夫事姑有賢聲夫弟以南子文駿早喪母周氏撫之如已出以南官湖北迎之行咸豐五年二月賊陷武昌周氏隨夫死之

林氏福建莆田人福建甌甯縣丞汪茹連妾咸豐六年賊犯

嵐下茹連督勇力戰死林氏素有方娠聞警馳援持大

刀入賊陣斬三人復馳突圍中見茹連遇害救之不及生擒

江西忠義錄 卷九 列女傳上 二

害茹連賊手刃之仍奪圍出尋中斃死

陳氏蔡其鍾妻樂平人其鍾任廣西柳城縣咸豐七年柳城

陷陳氏與四歲女飲醜未絕自縊死

萬氏安徽合肥縣梁園司巡檢熊道遜妻南昌人咸豐八年

七月二十日在梁園遇賊不屈投塘死

裘氏新建人萬青選妻青選官浙江咸豐十年賊圍杭城裘

氏呼諸子曰死得其所雖死猶生兒輩亟去以存萬氏毋戀

我所居近仁和學宮城破趨泮池死子婦程氏及幼女孫男

女各一皆死

謝氏前署浙江江山縣知縣徐思薦妻龍南人咸豐十年二

月二十七日賊陷杭州府城謝氏偕夫嫂顏氏姪婦劉氏姪

女寅脩婢玉蘭五福來福闔門自焚

劉氏江蘇從九品徐德廉妻龍南人咸豐十年二月二十七日在浙江省城賊至被焚死

勒氏新建人浙江候補知縣伍崇熙妻咸豐十年賊陷杭州執崇熙欲逼辱之勒氏大罵賊以刀抉其口罵益厲更斷其舌猶怒目喫血賊面賊併崇熙殺之

陳氏南昌喻庸蕙妻新城人父需恩以州判需次江蘇陳氏與庸蕙從之咸豐十年三月賊陷蘇州會需恩先以事赴上海陳氏隨母出避途遇賊乘間赴水死

李氏直隸昌黎縣知縣楊春華妻南昌人僑寓蘇州咸豐十年五月城陷偕楊蘊華妻周氏同時殉難

蕭氏長甯從九品陳元椿妻廣東平遠縣人咸豐十年十月元椿禦賊被執蕭氏奔救之願代夫死賊不許遂與夫訣以

江甯忠義錄 卷九 列女傳上

三

首觸賊大罵被殺

彭氏南昌人江蘇試用從九品裘獻章妻咸豐十年獻章殉難於丹陽彭氏聞之偕僕媪往覓其喪阻之不聽誓曰夫骸一日不得吾一日不望生也路經某村遇賊不屈被害女珍姑於十一年十二月十七日遇賊投河死

許氏浙江候補主簿萬方治妻杭州人咸豐十一年十一月二十八日杭州再陷罵賊被殺方治南昌人

涂氏張映川妻安義人映川官浙江秀水縣司獄奉檄赴杭州涂氏隨馬咸豐十一年杭州陷涂氏先遣子婦出避自依

映川誓以死殉映川被執以酷刑暈絕已而復甦則涂氏已赴水死長子宗相同殉

譚氏江蘇候補知府劉咸妻萍鄉人咸豐十一年咸寧眷赴

上海遇賊於紹興之楊汎橋譚氏先投河死城之庶母李氏  
妾王氏陳氏次子九章子婦邱氏幼女麗官堂姪九哥及南  
豐邱培元妻譚氏揭翊清次女麟瑞僕婦薛氏婢采霞翠兒  
均死

沈氏從九品吳謙泰妻南昌人咸豐十一年十一月浙江省  
城陷與子阿有阿申女巧姑候選知縣沈新之妹五姑同遇  
害

南昌府

童元愷母湯氏 妻胡氏等 歐陽氏 歐陽毛氏等

葉中模妻張氏 子婦張氏 鄒秀三妻甘氏 玉業寬妻某氏等

雷榮秀 李長祥妻熊氏 李民高妻鄧氏

黎際隆妻鄒氏 黎夏氏 黎聘珍

江西忠義錄 卷九 列女傳上

吳宗璧妻官氏 周鳳書妻譚氏

王志均妻陶氏 余才本女 王光連妻廖氏

徐正侃妻廖氏 徐業煥妻程氏

金錫銜妻閔氏 周先炤妻熊氏

廖鐸華妻徐氏 陳光春母蕭氏 妻黃氏

王瑞臺妻余氏 黃先鋸妻羅氏

張酉書妻石氏 冷盧氏等 熊遐齡妻汪氏 弟婦周氏

向成錦妻熊氏 冷梅開妻徐氏 孫女蒲貞 徐胡氏

查樹芬妻左氏 女等 徐慶齡妻胡氏 女完貞等

陳立成妻石氏 陳瑞軒妻熊氏 龔樹功妻徐氏

陳世會妻萬氏 陳世孚妻 劉氏 陳有典妻余氏 石陳氏等

查福元妻盧氏查占選妻李氏

陳學清妻石氏陳兆吉妻余氏

某氏

皮工妻某氏

盧炳奎妻查氏

丁氏

余光林妻吳氏

湯氏童元愷母南昌人元愷游幕零都挈眷往咸豐七年賊陷零都元愷死之湯氏聞難令健媪率其幼孫男女四人出避自偕子婦胡氏僕婦楊氏投屋後池中死其幼孫福申牽母衣揮之不去亦投池中

歐陽氏南昌農家女咸豐十一年七月避亂於荷山鄉賊至逼之行不從賊殺之同時歐陽毛氏從鄰人萬寅球避賊於焦河賊登舟將辱之寅球與妻吳氏罵賊死毛氏給賊曰請驅舟人登岸而移舟河心當從汝賊信之毛氏乘間投水死俱南昌人

江西忠義錄

卷九

列女傳上

五

張氏葉中模妻新建人生一子而寡子死婦張氏亦以苦節聞咸豐四年十一月賊至偕婦投水死

甘氏鄒秀三妻與王業寬妻婦均新建人寄籍義甯咸豐五年五月州城陷並死於難

雷榮秀新建從九品緝熙女諸生化龍妹字同邑陳夢齡子女童緒洪咸豐十一年七月初五日賊擾縣屬之西山被掠脅之行大罵被殺年十四

鄧氏李民高妻新建人奉翁姑孝咸豐十一年七月賊執其翁鄧氏跪求得免賊逼之大罵遇害

熊氏五品軍功李長祥妻新建人事姑孝咸豐十一年七月賊至扶姑先避熊氏攜女杏秀姪女仙桃赴水死

鄒氏孝廉方正黎際隆妻進賢人咸豐六年際隆以集團死

於賊鄒氏慟夫死以頭觸賊刃殉焉際隆姪品珍妻夏氏懼辱攜四歲子投井死姪孫女聘珍年十五亦投水死

官氏吳宗璧妻進賢人孀居咸豐七年七月城陷被執賊將辱之不從脅以刃罵愈厲殺之

譚氏周鳳書妻進賢人咸豐七年十月賊擾舊厦村鳳書被擄譚氏伺賊營謀救其夫賊覺執之譚氏乃目夫先逃賊得譚氏將辱之譚氏佯許度夫去遠大聲詈罵爲賊鬻割死

陶氏諸生王志均妻進賢人夫亡撫繼子成立咸豐七年十二月聞警陶氏遣子婦走避賊猝至陶氏被執加刃於頸令指村中富戶陶氏抗聲謾罵賊縛而扑殺之

余才本女年十五未字咸豐六年十一月遇賊脅之行投水不沒賊曳之起女給賊曰我孱弱願徐行當依以爲活賊信之行未數武又給以衣溼須易服賊入近村取衣女遂投池死同日王光連妻廖氏亦被掠罵賊死之俱奉新人

廖氏徐正侃妻奉新人事姑以孝聞咸豐七年賊恣劫掠薄其室廖氏給之曰有金藏門前池中賊覓不得廖氏曰我取之遂投水死

程氏徐業煥妻奉新人咸豐七年賊大肆掠程氏奔入山谷欲自經賊遽至不果乃折木擊賊力竭投石潭死

閔氏廩生金錫銜妻奉新人事舅姑以孝聞咸豐十一年四月城陷閔氏避登絕嶺賊至投巖死

熊氏周先炤妻奉新人先炤貧不能娶父母欲令改適熊氏堅拒之歸先炤無怨言咸豐十一年夏遇賊不屈死

徐氏廖鐸華妻奉新人夫早世家貧以苦節著賊至倉卒出

避賊尾之罵曰鼠彘輩敢辱我耶遂赴水死

蕭氏職員陳光春母靖安人咸豐十一年賊踞顧山蕭氏偕子婦黃氏避他所賊日熾蕭氏懼不免顧謂黃曰吾死此矣不能受辱也汝自爲計黃憤然曰所不與姑同心者何以爲婦幼子甫一歲棄於地姑婦相抱赴水死

余氏增生王瑞臺妻武甯人咸豐四年春子慶恩偕從兄候選知州慶餘集團禦賊余氏援桴督戰慶恩負重傷欲奉余氏出走余氏曰今日之死分也汝奚往慶恩泣請不已負之趨遇賊慶恩叱曰人誰無死吾以身死王事毋傷吾母賊殺慶恩余氏大罵遇害

羅氏巡檢黃先銀一作鏡妻武甯人咸豐十一年城陷被執羅

氏罵曰吾黃羅二家世受國恩汝狗彘何敢犯我且罵且

江國忠義錄

卷九列女傳上

七

走將自投於池賊追殺之越七日賊退斂之面如生

石氏附貢生張酉書繼妻咸豐四年酉書爲賊執石氏罵賊賊殺之同時冷昱瀛妻盧氏聞夫戰歿於嶺界持械擊賊遇害陳泰岑妻董氏遇賊於窖鼓巖不屈死俱義甯州人

汪氏

省卷作王氏

職員熊退齡妻義甯州人咸豐五年賊陷州城

以退齡辦團防大索之退齡季弟某力禦死汪氏與季妯周氏訣曰事急矣可若何甯死毋辱皆自刎

熊氏未入流向成錦妻義甯州人咸豐五年城陷熊氏以刀擲賊不中倚柱大罵賊刺之死

徐氏湖南隆迴司巡檢冷梅開妻義甯州人與鄉飲徐廷純

妻胡氏同居咸豐五年賊將薄城家人勸引避徐曰幸夫子

宦他鄉不絕宗嗣足矣何避之有胡曰身亡節著雖死猶生



城陷二人對縊徐繩絕復蘇攜幼子向陽孫女蒲貞僕丁三吉等投城濠未死賊脅之徐罵不輟遂遇害

左氏未入流查樹芬妻義甯州人咸豐五年賊圍城樹芬率勇巡防五月九日城陷樹芬語左氏曰事急矣早自爲計左氏曰夫死忠婦死節兩無遺憾敢苟活取辱哉遂縊子女亦自刎死

胡氏監生徐慶齡妻義甯州人平日遇有談古今節烈諸婦者輒斂容傾聽咸豐五年城陷慶齡與其弟玉山姪盈琰盈琿盈璣皆死胡氏偕玉山妻雷氏罵賊死女完貞並盈琰妻余氏盈琿妻李氏盈璣妻梁氏均以石擊賊遇害

石氏陳立成妻咸豐五年賊撲義甯州城石氏子監生旭照登陴守禦石氏勗之曰戰陳無勇非孝也復傾資助餉不少

江西忠義錄

卷九 列女傳上

八

吝城陷石氏罵賊死

熊氏書吏陳瑞軒妻咸豐五年城陷瑞軒禦賊遇害熊氏泣曰夫死吾不獨生遂縊其同居龔樹功妻徐氏亦挈其子並四歲孫滿貞投縊死俱義甯州人

萬氏陳世會妻義甯州人與陳世孚妻劉氏同寓州城咸豐五年城陷萬懼不免一女歲餘先縊其喉而死尋與劉氏同縊於室

余氏從九品陳有典妻生一女字石文漪咸豐五年賊攻州城有典奉委巡防余氏語之曰公事維勤弗以妻女爲慮城圍亟余氏謂女曰不幸城破宜死毋貽夫子辱及有典遇害余氏攜女投井賊欲出之余氏大罵被殺同時王離照妻某氏先事語其夫曰城陷當同死至是偕離照投龍王井死俱

義甯州人

盧氏查福元妻李氏查占選妻咸豐五年賊薄其室二人持  
梃擊之被殺俱義甯州人

石氏一作向氏陳學清妻余氏陳兆吉妻義甯州人咸豐五年城

陷石遇害子甫十餘歲抱母屍哀哭賊憐而釋之余時有娠  
賊刃其腹腹中兒墮地有聲賊駭愕自是止殺州人多賴以  
全同時州人某氏婦抱子死城隍廟楹桷間逾年戍卒拆屋  
充薪得其屍猶抱子未釋卒憐而瘞之

某氏皮工某妻義甯州人咸豐四年其夫充團勇戰歿妻聞  
之握刀出遇一賊殺之斬其首而還五年賊圍州城輒登陴  
罵賊日隨團勇出戰城陷死之

查氏職員盧炳奎妻義甯州人咸豐五年賊至冒刃救姑與  
江西忠義錄 卷九 列女傳上 九

姑同罵賊死

丁氏義甯州人咸豐五年翁盧某欲從賊丁氏諫不聽自刎  
死

吳氏義甯泰鄉人字同里余光林咸豐十一年光林為賊掠  
去同治三年四月聞父母欲改嫁之有日矣絕粒數日不死  
一日家人外出登樓投縋死

瑞州府

鄒鴻翔妻黃氏

鄒秉和妻毛氏

陳茂庸妻彭氏

易道元妻徐氏 徐帶英

吳統燊妻袁氏

徐子興妻况氏

王良霜妻高氏

鄭玉貞

江某妻徐氏

皮家駮妻陳氏家驩妻鄔氏

鄒景興妻王氏

女桂英  
子婦藍氏

梁芙英

艾作修妻晏氏

晏鍾氏等

徐金秀

羅玉秀

彭名瀛祖母鄧氏

謝家俊妻熊氏

女雨珠  
姪女滿英

吳雪英

嫂敖氏

黃氏諸生鄒鴻翔妻高安人咸豐七年十月以夫遇害投水死

毛氏監生鄒秉和妻高安人耄年好施與咸豐十一年三月賊竄縣境眾舉毛氏子文衡董鄉團文衡以奉母辭毛氏促之曰毋以我害義賊至火其居毛氏大罵焚死同時婦女投井死者五十餘人賊退覓毛氏屍有樹覆之得不燬

彭氏文童陳茂庸妻高安人夫歿守志事姑孝撫孤成立咸豐十一年三月賊踞瑞州分黨竄赤土姑婦同被擄彭氏給

江西忠義錄

卷九

列女傳上

十

賊曰釋姑吾即從汝賊信之彭氏度姑去遠赴塘死族人哀之葬於祖塋之側

徐氏易道元妻高安人賊陷縣城屋被燬依父愛成以居咸豐十一年三月賊再至徐氏隨父及弟某妹帶英走避及賊逼徐氏促父速行父不忍棄均被擄徐氏給賊曰釋父與弟我姊妹從爾賊信而釋之徐氏見父與弟既去姊妹相挽躍入小湖潭死

袁氏吳統琰妻高安人夫賈饒郡死於賊袁氏不欲生以舅姑命撫孤守節咸豐十一年三月避賊於小湖姑與子被擄袁氏以釵環贖之為羣賊所奪偪之同去袁氏大罵赴水死踰日斂之猶色怒未改

况氏徐子興妻高安人咸豐十一年三月遇賊投水賊挽之

况氏囁其手遂溺死

高氏王良霜妻高安人咸豐十一年三月避賊料藍橋賊繫其翁高氏哀求得釋時同居避難婦女數十人賊將汚之高氏恐不免抱幼女投料藍橋下死賊驚其烈相率去婦女皆賴以全

鄭玉貞高安羅陽人事繼母以孝聞字同邑諸生章一鳳子某咸豐十一年四月賊至被縛以火炙之不從脅以刃卽延頸就死賊不忍殺遣老嫗守之玉貞乘間躍水死章氏憫其貞烈迎歸葬焉

徐氏江某妻高安楊林人咸豐十一年七月被賊執給之曰某富室有金沈於潭盍往取賊隨之往徐氏投潭中賊怒爲所給以矛刺殺之

江西忠義錄

卷九

列女傳上

十一

陳氏高安監生皮家駮妻姊鄔氏職員家驩妻咸豐十一年七月奉姑章氏避亂賊擄家駮姑就賊哀免負傷流血陳氏遙見大罵賊追及之陳氏抱幼女偕鄔氏躍入河中死

王氏鄔景興妻高安人咸豐十一年七月景興父子被擄王氏偕子婦藍氏女桂英竄京峯嶺賊又至度不免三人俱投井死

梁芙英鄔玉成妻高安人咸豐十一年夫婦同被執賊見其美欲犯之給曰釋我夫當從汝賊信之因乘間抱幼女投路旁井死

晏氏高安櫟里艾作修妻咸豐十一年賊至偪之不從時父馥蘭母鍾氏挈幼女麻英避賊晏氏家賊並執麻英亦不從父母見二女被偪大罵賊怒併殺之剖其腹

徐金秀高安塘頭鏗四女與同里羅氏女丟秀年皆十七咸豐十一年賊至英岡墟二女懼辱同赴烏鵲橋投水死

鄧氏瑞州彭名瀛祖母咸豐十一年名瀛陣亡賊掠其室鄧氏年八十餘被拷索大罵不屈賊以巨石壓其胸死

熊氏高安監生謝家俊妻賊偏不從投水死女雨珠十五歲姪女滿英十歲同殉

吳雪英高安五美橋孕秀女年十七偕嫂敖氏避賊南簡猝遇賊懼辱同投塘死

袁州府

袁慎祥妻歐陽氏

聞炳南妻辛氏 女某

劉安基妻張氏

歐陽氏袁慎祥妻分宜舉人集之女奉姑孝謹人無間言咸

江中忠義錄

卷九 列女傳上

三

豐十一年七月賊竄分宜歐陽氏舉家避賀元山棚賊至懼辱自經死

辛氏諸生聞炳南妻萬載人同治四年四月官兵潰辛氏抱弱女走避賊至伏泥淖中強之起不從賊割其耳鼻連刃之未殊賊去匍匐偕女投水死

張氏劉安基妻萬載人賊至被執張氏以錐刺之得脫乃負姑登屋後石壁俄見賊追其夫張氏大呼殺賊賊棄其夫偏張氏張氏投石擊之力盡投巖死

臨江府

黃若賜母某氏

張金泰妻黃氏

李柏慶母某氏

妻某氏

楊樹本妻盧氏

楊傳氏等

董文煥妻鄧氏

某氏黃若賜母清江人咸豐七年賊踞臨江若賜奉母匿山

中賊搜得之若賜遇害母墜水死時若賜妹適張金泰者歸省在家爲營葬焉妹年二十二而寡撫兄子爲嗣至是營葬旣畢歸夫家一慟而絕

某氏李柏慶母清江人避居石門村咸豐七年七月賊掠其村某氏與子婦某氏皆投水死

盧氏楊樹本妻清江人咸豐七年十月賊擾其鄉盧氏與同居孀婦楊仕澧妻傅氏誓同死賊至傅自縊死盧氏投溪水死越七日賊退斂之面色如生同邑姜國珍妻楊氏亦孀居懼爲賊辱投井死

鄧氏貢生董文煥妻新淦人常以利翦自隨夫詢之曰時方亂設有意外事欲自全得乎咸豐十一年賊擾邑境鄧氏適病攜幼子謙生女端祥避居黃富莊婦女近百餘人賊躡至江百忠義錄 卷九 列女傳上 三 鄧氏遽以翦自刺其額且走且刺血被面並以手引血徧塗女面賴賊追及之鄧氏與女厲聲叱之曰我名門女豈辱於賊者已自辦一死矣賊愕而釋之鄧氏創甚尋卒

江西忠義錄卷之十

列女傳下

撫州府

汪賀遷妻胡氏

饒賽蓮

張恬熙妻陶氏

吳郁本妻徐氏

徐文士妻何氏

王劉氏等

徐炳燦妻王氏黃璋甫妾李

氏

周碧蓮

黃紹經妻劉氏

蔡仙羣妻江氏

蔡壽春妻王氏

黃春魁妻朱氏

女丁香

丁授經妻吳氏

吳福仙

吳荷珠

許燦廷妻吳氏

姜夢茗妻胡氏

熊迎瑞

王守增妻李氏

江西忠義錄

卷十列女傳下

一

周壽桃妻楊氏

鄭希純妻胡氏

李兆平妻徐氏

張秋喜妻余氏

李余氏等

鄭映葵妻周氏

陳容珠

江凝章妻蔡氏

母陳氏

張儔蘇妻吳氏

傅裕華妻周氏

王芬祖妻余氏

洪仰謨妻胡氏

吳榮桂妻陳氏

子婦徐氏

朱如璋妻戴氏

王廷棟妻某氏

吳化清妻鄧氏

江螽斯妻鄧氏

陳金星妻王氏

蔡裕昆妻楊氏

劉奉三妻張氏

妾丁氏

何百祥妻楊氏

楊自興妻毛氏

楊佑良妻車氏

鄭其祥妻王氏

楊允中妻李氏

蘇福招妻李氏

王鉞妻劉氏

劉意喜妻鄧氏

陳蘭雲

吳煥之妻符氏

鄒肇先妻曾氏

樂桂瑞妻鄧氏

鄧年華妻  
張氏

黃湖英

袁振先妻陳氏

丁壽隆妻吳氏

管采蓮

母康氏

王寶珠

陳青蓮

楊采章妻樂氏

王時若妻余氏

周茉花

李高元妻黃氏

洪財喜妻周氏

洪周氏等

黃簾珠

胡雲仙

張蓮香

胡氏臨川進士汪賀遷妻咸豐某年入山避賊遭賊寒波嶺

被逼胡氏以利刃刺賊手被害子官生抱母痛哭賊掠之三

江國忠義錄

卷十 列女傳下

二

日不食死於甯都

饒賽蓮臨川生員寶卿女字聶萸生萸生喪明請辭婚賽蓮

堅不許年十九將婚而萸生卒同治三年五月賊警日至遂

仰藥死

陶氏金谿舉人張恬熙妻咸豐七年四月十二日恬熙被賊

殺於許坊陶氏聞信與夫兄繼蘇奔覓夫屍負之歸賊追及

憤罵被殺繼蘇亦遇害

繼蘇或  
作晉熙

徐氏吳郁本妻金谿人夫病十餘載事之不少懈既寡無子

矢志守節咸豐七年五月賊至遇害

何氏徐文士妻金谿人咸豐八年二月賊至何氏以姑病廢

不忍棄之走被賊擄大罵支解死三月同邑王襄臣母劉氏

-2 200 35 816" data-label="Text">

偕子婦羊氏遇賊於臨坊劉大罵賊殺之羊投水死



王氏武進士徐炳燦妻李氏監生黃璋甫妾均早寡養姑撫孤各著苦節咸豐八年四月賊至李赴水死王促其姑攜子避別所亦自投於水俱金谿人

周碧蓮金谿諸生垂紳女字吳某吳以客蜀未婚咸豐八年四月賊將至碧蓮語母曰事急恐求死不得將若何越日服毒死

劉氏黃紹經妻金谿人咸豐八年賊踞流源村劉氏父爲賊所執乃脫簪珥求贖其父父得脫遂扃戶自經越四日未斂面猶生賊見之出穢語忽血噴其面賊驚拜而去

江氏蔡仙羣妻金谿人仙羣早歿家貧江氏養老撫孤倍著苦節舅嗜酒江氏勤鍼黹以給之以故並得舅姑歡咸豐十年三月賊猝至焚其村江氏赴火死

江西忠義錄

卷十 列女傳下

三

王氏蔡壽春妻監察御史基孫女金谿人咸豐十年賊掠壽春家王度不免給賊曰吾爲汝炊梯樓取米久不下賊索之已自縊死

朱淑鳳南城進士華臨女適金谿黃春魁性貞靜事姑以孝聞善畫工詩著有簪花閣詩稿二卷咸豐六年賊擾江西春魁從軍南贛淑鳳奉姑轉徙身任其艱十年春魁任高安訓導淑鳳隨姑赴任十一年以寇警仍避榕坊依小姑黃氏以居七月賊掠潯灣淑鳳以姑病不能行遣女丁香隨其戚傅氏出走俄賊至淑鳳偕黃氏同投屋後井中死丁香年十四未字中途遇賊投九紫嶺塘水死黃氏自有傳

吳氏丁授經妻金谿人夫早世依父監生學純居咸豐十一年學純遇賊被害吳氏斂父屍絕粒死妹福仙投水自盡

吳荷珠一作荷花金谿監生寅初女幼工詩字同邑王發祥未婚  
咸豐十一年避亂蒲塘里七月十三日賊至投池中死

吳氏許燦廷妻金谿人夫歿矢志養姑咸豐十一年七月奉  
姑避亂於鐵鑪坑姑病篤賊將至姑麾之去吳氏泣曰姑舍  
婦則湯藥誰奉婦無姑則偷生奚爲次日賊至吳氏投井死

局本作許廷  
鏞此據縣志

胡氏邑諸生姜夢茗妻金谿人聞黃簾珠朱淑鳳二人死難

歎曰是可師也咸豐十一年八月賊至赴塘死一作夢茗繼妻

熊迎瑞王繩祖未婚妻熊慶麟養女金谿人咸豐十一年避

亂於蒲塘村徐氏女曰此屋有塘復何憂八月賊至赴塘死

李氏王守增妻金谿人咸豐十一年八月遇賊於溪山村被

偏不從以錐刺其左耳死

江西忠義錄

卷十 列女傳下

四

楊氏周壽桃妻金谿人咸豐十一年楊氏抱一歲子隨夫避  
亂場田賊追及夫婦被擄楊氏佯語壽桃曰某處藏有窖金  
可取來贖我賊信之釋壽桃歸楊氏度夫去遠乘間赴塘死  
賊退斂其屍子猶在抱也

胡氏鄉飲賓鄭希純妻金谿人性貞靜明大義希純客滇不  
歸二十餘年胡氏以十指自給母孤貧嬰廢疾胡氏迎養於  
家三十年咸豐十一年賊警胡氏以母病篤不忍去賊至拽  
其母於地氏罵曰殺我母曷若殺我賊竟殺之

徐氏李兆平妻金谿人兆平死於滇妾遺腹生二子徐氏撫  
育如己出咸豐十一年二子被賊擄徐氏力救不及憤痛赴  
水死

余氏張秋喜妻金谿彭坊人與邱坊李會生妻李獅子妻爲

姊妹行咸豐十一年同避賊於東司橋賊日逼余氏曰吾輩義不受辱宜先自爲計遂攜手投橋下死

周氏鄭映葵妻金谿人咸豐十一年隨姑避亂翁源山賊至將殺姑周氏以身衛賊遂舍其姑欲污之周氏給以少緩度姑行遠遽躍入澗死

陳容珠

容一作蓉 萬載縣訓導陳觀燁

星門

第三女金谿人父

病劇女割股和藥以進病獲愈同治二年十二月間賊至絕粒死時年十七

蔡氏江凝章妻金谿人同治三年四月賊至蔡負其姑陳氏走避猝遇一賊傷其姑蔡氏以槌擊賊踏之復負姑行里餘羣賊至欲殺之蔡氏以身翼姑傷手姑婦並大罵賊割陳氏鼻刺蔡氏舌死

江西忠義錄

卷十

列女傳下

五

吳氏張儔蘇妻金谿人夫死守志以節孝稱時賊氛漸逼舅姑殯在堂貧不能葬乞助於族戚心力交瘁積久成疾同治三年五月五日在李家渡聞警恐被辱略血死

周氏監生傅裕華妻金谿人裕華賈於楚每歸輒以世亂母老爲憂周氏慨然任之遇警則奉姑遠避同治三年姑年八十五病危不能行遂同姑匿破屋中賊叱之出周氏曰余非畏死特以姑病需人耳賊偪之遂赴水死

余氏王芬祖妻金谿人年十六歸王事舅姑以孝聞同治三年賊將至值芬祖病歿舉室驚惶余氏勸舅姑先避躬治喪事畢出懷中幼子屬鄰嫗曰留此以慰二老或可延一綫脈也遂入室投繯死

胡氏洪仰謨妻金谿人早寡遺一女胡氏守志不二以紡績

養姑同治三年賊至遇害

陳氏職員吳榮桂妻金谿人家上灣陳氏偕榮桂扶病姑避賊於臨川鄧家村賊至僅一車乃促夫扶姑乘之先行陳氏以步從被賊追及懼辱自刎死子監生珍珠婦徐氏年十九守節事祖姑及舅姑以孝聞祖姑病重徐氏歸母家購藥碎遇賊引剪刀刺喉死

戴氏監生朱如璋妻金谿人嘗刲股療夫病賊至命妾及子女先避自尾其後賊追及欲污之罵不絕口賊怒擊以石折左手委之去越日妾返負至家卒

某氏金谿諸生王廷棟妻幼聞母陸氏刲股療姑事故奉舅姑極孝賊至隨姑出走賊追之度不免遂投池中死

鄧氏吳化清妻金谿人年十八隨姑避亂匿山中賊搜得其姑索財物不得鞭之鄧聞姑哭出救摘所繫銀環求釋賊見鄧遂舍姑執鄧挾以上馬鄧不從嚙賊指流血賊怒殺之斷其右臂去

鄧氏江申甫子益斯妻金谿人隨舅避賊陸坊屋角山中申甫時年七十六遇賊將殺之鄧氏乞哀不可刲其腸死鄧氏慟憤握拳擊賊遂遇害

王氏陳金星妻金谿人撫孤著苦節賊至石坑王氏匿複壁中被執王氏大罵賊倒懸之墜以石煙熏火烙終不屈賊退鄰人解之王氏憤赴水死

楊氏蔡裕昆妻金谿人裕昆被擄楊氏攜七歲子荀陽奉姑江氏避於張家塘遇賊欲污之母子同罵賊賊怒刃傷荀陽躡入塘楊氏亦赴塘死

張氏劉奉三妻金谿人妾丁氏生一子張撫之如已出賊至相攜避亂鄰村遇賊妾躍於池賊揪其髮出之易以衣不受脅之上馬又不從賊怒殺之張氏潛伏積薪中賊縱火脅之同伏婦女出者皆不免張卒不出被焚死

楊氏何百祥妻金谿人年二十四夫歿無子遺二女楊氏守苦節勤鍼黹以養舅姑積勞成疾賊至不能遠走泣曰吾守節十四年儻遇賊何以自全遂扼喉死

毛氏楊自興妻金谿人年二十四夫歿無子家貧甚舅姑俱瞽夫弟僅七歲毛氏鬻匱具勤鍼黹以養舅姑既歿殯葬盡禮無何夫弟亦殤毛氏痛不欲生鄰里餽食堅不受賊至湔溪毛氏匿積薪中被獲罵不絕口賊怒殺之

車氏楊佑良妻金谿人年二十七夫歿撫孤以苦節著賊竄江西忠義錄

卷十列女傳下

七

許坊車氏方炊遂以頭匿竈內灼爛死

王氏鄭其祥妻金谿人賊至褐源執其祥加以酷刑王氏乞哀不許仰藥死賊曰此烈婦也遂舍其夫

李氏楊允中妻金谿人賊至匿複壁中聞姑陳氏被賊拷掠乃出乞哀賊舍其姑逼之李氏力拒且罵賊怒剖腹裂屍死李氏蘇福招妻金谿人遇賊黃通村偈之不從且罵且泣賊奪其子斃之罵益厲賊拔刀欲殺之卽投井死

劉氏王鉞妻金谿人夫早歿撫二子成立長炳次雲均武職賊至臨坊偈索財物劉氏曰吾有金帛豈資汝賊耶賊怒以鎗刺之死

鄧氏劉意喜妻金谿人賊至劉家源鄧氏攜幼子避鄰村丁氏遇賊鄧氏戟手罵賊賊殺其子鄧氏擊賊傷目賊並殺之

裂其屍

陳蘭雲宜黃廩生

志作生員

黃秩沅繼妻金谿人能詩著有吟香

閣草歸三載而寡咸豐八年四月賊掠縣境蘭雲依舅氏楊拜賡以居遇賊被執賊殺拜賡以懼之蘭雲登樓取帶自經未絕復以翦抉喉死

符氏童生吳煥之妻宜黃人夫死以節孝稱咸豐八年賊入境符氏以姑病不忍棄之走尋遇賊懼辱投井死賊退斂屍顏色不變

曾氏儒士鄒肇先妻宜黃人同治三年隨母避賊臨川易家村七月賊至曾氏以母老且瞽守之不去遂被執罵賊遇害鄧氏樂桂瑞妻宜黃人同治三年與同族鄧年華妻張氏避賊山中張謂鄧曰如遇賊至我二人唯死而已鄧諾之暗藏

江西忠義錄

卷十列女傳下

八

利刃猝遇賊張給賊曰前面官軍至矣乘賊回顧鄧抽刀擊賊賊怒張被割唇鄧截手俱死之

黃湖英父必翹樂安人咸豐六年賊至必翹被殺賊執湖英脅之不屈罵曰汝殺我父我豈肯辱身從賊賊怒殺之支解死

陳氏袁振先妻樂安人咸豐七年十一月初六日賊擾邑境陳氏姑年耄而瞽守之不忍去賊至陳氏遇害

吳氏丁壽隆妻樂安人咸豐七年十二月遇賊不辱賊割乳斷手足死

管采蓮鄧國香妻樂安人咸豐七年十二月隨母康氏避亂賊至見采蓮將辱之采蓮以所生兒付母佯許賊行至池旁奮身躍入賊怒以矛刺之死母抱兒匿叢薄中亦被害賊退

三日村人收其屍兒猶活抱歸以米汁飲之賊又至棄兒遁兒竟無恙

王寶珠樂安人庭槐女字永豐監生甯騰芳之孫志尙未婚咸豐七年避亂上舍嶺賊搜得之偪女不從脅以刃罵愈厲持石擊賊賊怒鬻之時年十六同縣陳氏女青蓮字王福昌咸豐七年福昌爲賊掠去久無消息憂憤自經死

樂氏監生楊采章妻東鄉人夫歿守貞撫從子爲嗣咸豐五年三月賊警日至謀徙避樂氏以所績紗合七十四縷爲一絡媪問故默不言尋縊於室時年七十有四與縷數相符云余氏王時若妻東鄉人咸豐七年六月賊將至余氏促姑肩輿先行自躍水死

周茉花東鄉人安仁倪某妻咸豐七年九月賊踞鄧家埠其

江西忠義錄

卷十列女傳下

九

夫受僞職茉花羞之依母以居十月夫迎之歸愠曰妾恨非男子不能殺賊肯爲賊婦乎夫強之乃潛服毒藥未死間羣欲以藥解之堅不肯曰我非輕生實重死也知我者幸無救我踰時氣絕

黃氏李高元妻東鄉人夫早世養姑撫子以節孝聞咸豐七年十月初九日聞警奉姑避居賽上村賊猝至黃氏度不免向姑泣拜赴水死

周氏洪財喜妻東鄉人苦志守節咸豐十年十月賊竄縣屬周氏避居萬石塘賊將至周氏坐塘畔語家人曰此我死所也俄賊至周氏遂投水賊以手挽之大罵遇害同邑洪乾中妻周氏偕子婦傅氏居延福鄉在途遇賊賊見傅將辱之姑婦抗罵傅爲賊殺周投塘死

黃簾珠字沅芳金谿人幼知書性純孝封股療祖父疾長適東鄉舉人胡業恒與兄春魁妻朱淑鳳皆能詩尤相得咸豐十一年七月賊竄潞灣淑鳳往依簾珠於榕坊旋聞賊益逼兩人更衣履遣家屬先去俄賊至兩人度不免先後投屋後井中死簾珠有一花遺稿四卷一花者簾珠號也卒後里人編其詩與淑鳳詩合梓之名曰孝烈合稿

胡雲仙東鄉舉人業恒姪女字同邑謝泰咸豐十一年七月雲仙隨母傅氏避亂鄧坊中途母女相失賊退母蹤迹之雲仙已投石結塘水死斂之於左足得一銀釧猶夫家聘物也  
時年十八

張蓮香貫錢孫女東鄉大塘人咸豐十一年賊至貫錢舉盃擊之不中被殺女憤以石擊賊賊傷會賊麇至女投池死年  
江西忠義錄 卷十 列女傳下 十  
十五

建昌府

李繼祖妻吳氏 邱茂脩妻 王氏 鄧桂榮妻王氏 庶母李氏 女儒貞等

陳魁繼妻趙氏 母某氏 陳希邵繼妻趙氏 母某氏

劉文熙妻趙氏 子婦魯氏 等 謝祖濂母劉氏 妻揭氏等

黃康侯女 婢某 吳昌籌妻韓氏

張晴霞 黃素玉 劉九疇妻彭氏

黃元祿妻許氏 吳貴光妻黃氏 吳世繩妻黃氏

吳 灼妻楊氏 李朝昇妻符氏

黃先鳳妻王氏 孫婦謝氏 等

吳氏李繼祖妻南城人咸豐六年城陷吳氏投水死十一年同邑邱茂脩妻王氏扶其姑避居撫州之夏源村八月賊至



姑被擄王氏投水死

王氏刑部主事鄧桂榮妻新城人咸豐六年七月賊至王氏偕長女儒貞幼子皖慶庶姑李氏同投井死是年同邑孔慶埔妻涂氏聞其夫守城殉難遂投井死

趙氏陳魁繼妻生員崧雲繼母新城人咸豐十年十月崧雲死於難趙氏罵賊被害

趙氏陳希邵繼妻新城人希邵官華亭典史殉難其子惠祿徵祿亦在籍被賊殺咸豐十年十月賊將至趙氏扶姑出避姑曰汝宜先走趙氏曰姑在敢不以死從賊至姑罵賊賊殺之趙氏挺身衛姑負重傷投塘死

趙氏教諭劉文熙妻南豐人咸豐六年七月賊至趙氏懼辱挈子婦魯氏與二子及適譚長女竹姑均投郭背圍池中死

江西忠義錄

卷十 列女傳下

十一

乳媪彭氏抱趙氏長孫亦投池死

劉氏副貢生謝祖濂母南豐人咸豐六年七月賊圍邑城祖濂率眾守禦城陷亟歸衛母則母已被殺祖濂妻揭氏偕河南許州州判謝昌甲妻吳氏妾賀氏均罵賊被害祖濂亦死黃氏南豐人康侯女字同邑田東李氏子咸豐六年五月其舅病亟姑迎之歸佐理家事甫至舅卒未半月康侯卒夫素病瘵姑以女既至欲婚之黃氏不可而私刲股以療夫因姑進之八月夫竟卒黃氏續經如禮十二月賊至黃氏以母避居西鄉之茶山挈婢往依之中途遇賊婢拒賊被殺黃氏引剪刀刺喉死年十九

韓氏南豐增生吳昌籌妻順天宛平人曾祖官安徽東流知縣遂寓於皖幼通文翰著有素蘭詩草咸豐七年正月賊入

南豐昌籌督勇守隘有奸民導賊自僻徑入衆驚潰昌籌遇害時韓氏避亂居柏溪港賊退檢夫尸斂之是夕縊於房以救復甦家人防之密韓氏亦自疑有身乃飲食如常七月十八日卜葬昌籌前一夕沐浴更衣作絕命詞三首自姑嫜下皆遺書訣別竟以自經死詩曰久欲隨君去君應遲我來從茲永相聚何恨在泉臺君亡因大義我死爲從君忠節原如此其他何足云先望有遺孤誰知事竟無傷哉雙弱女我死遣隨姑

張晴霞諸生樹梧女南豐人字同邑封某未嫁夫死服斬衰誓不改適咸豐八年八月聞警與家人相戒曰宅後有池賊至我必死此賊猝入張投池死同邑武生黃大摺女素玉字同邑季國鏞以亂故大摺送女歸季未合卺而國鏞以病卒

江西南義錄

卷十 列女傳下

十一

黃矢志靡他避居於茶山村恐受污常以利刃自隨後遇賊以刃刺喉死時稱南豐雙烈云

彭氏職員劉九疇妻南豐人咸豐十年九月聞警投繯未絕賊排戶入彭氏抱兒投池賊以手引之彭氏奮折賊指躍入池心死

許氏黃元祿妻南豐人少寡守志奉 旨旌表同治三年五月賊至許氏曰吾雖八十老嫠婦豈令賊見耶投池死

黃氏吳貴光妻南豐人同治三年貴光遇賊被殺黃氏憤罵不屈並其二子遇害同邑吳世繩妻黃氏亦以賊殺其夫罵賊觸石死

楊氏算學生吳灼妻南豐人子嘉禾官廣東洗口司巡檢陣亡於粵楊氏家居同治三年遇賊清溪灣偕令服役楊氏謾

罵遇害並焚其屍嘉禾自有傳

符氏生員李朝昇妻廣昌人咸豐六年七月十七日賊至舉家避山谷間符氏懼辱常懷石自衛且密縫其裏衣後遇賊投池死

王氏黃先鳳妻廣昌人咸豐八年四月初六日賊至王氏攜其孫接宗妻謝氏匿於苧山塘賊搜得之偪謝氏謝氏以死拒牽王氏手不釋王氏大罵賊斫斷王氏臂殺之謝氏同被害時同邑監生經之母年七十以憤罵被賊焚死

吉安府

匡燦文妻龔氏

陳允中妻劉氏 王張氏等

王會極妻張氏

胡陳氏等 某氏 並女

李美妹

胡芳杏妻彭氏 女喜娥

江西忠義錄

卷十 列女傳下

三

曾俊齋妻李氏

子婦黃氏

陳叢光妻周氏

蕭沛常妻袁氏

龔氏匡燦文妻廬陵人以節孝聞賊竄吉安龔氏令其子刑部主事汝諧督鄉團防禦咸豐七年三月賊大至龔氏罵賊死

劉氏陳允中妻咸豐七年六月賊至其村劉氏姑司馬氏時年七十矣奉之走姑麾之去不可賊至不屈被支解死同時王德濟妻張氏以尋姑遇賊投水死盧兆瑞妻高氏扶姑避難遇賊掠至曲瀨給賊飲水遂自溺死時河邊空宅有被幽婦女數人窺見之皆乘間從窗牖中出相率投河死八月郭時元妻張氏以扶姑走遇賊投水死蕭道衍妻曾氏見姑羅氏溺水隨溺死蕭敘林妻戴氏見姑王氏被殺罵賊死九月

王正亨妻劉氏正健妻易氏見姑劉氏被殺罵賊均死俱廬  
陵人

張氏王會極妻咸豐七年六月賊至脅之言里中富室不從  
被殺七月胡載采妻陳氏九月劉瑤寄妻蕭氏均以不肯言  
富室被殺均廬陵人

某氏佚其里咸豐七年八月避亂於廬陵之丁田村賊猝至  
抱女投車頭橋下死

李美妹廬陵人咸豐七年九月賊至隨父母避居三官塘賊  
執其父去美妹奔出救父賊舍其父脅之行度父去遠行至  
河邊自溺死

彭氏樂安訓導胡芳杏妻廬陵人咸豐七年九月賊衆至彭  
氏遙擲以衣囊曰數世蓄積盡於此矣賊爭取之因乘間攜

江西忠義錄

卷十列女傳下

古

女喜娥赴水死

李氏曾俊齋妻吉水人咸豐七年八月賊擾其鄉李氏子制  
義禦賊陣亡李氏攜二幼女投水死子婦黃氏聞姑難將救  
之甫出戶遇賊被殺

周氏陳叢光妻吉水人咸豐七年八月賊擾桑園村周氏促  
夫先避周氏後出被執將辱之給之曰歸至家可耳經道旁  
井躍入溺死

袁氏蕭沛常妻泰和人咸豐七年沛常禦賊死之袁氏將殉  
念家貧葬事無可任者遂獨力經營八年二月葬夫畢沐浴  
更衣服毒死

饒州府

張保泰妻黃氏

張氏女

王貞茂妻汪氏

女某

吳元茂妻汪氏

朱士森妻王氏

汪鴻祿妻吳氏

齊 韶妻黎氏

石兆棟妻葉氏

余丙照母周氏

楊秉鉞妻王氏

葉觀保妻朱氏

徐文炳妻李氏

朱步衢女

胡履信妾呂氏

胡 淮妻余氏

程四孫妻王氏

胡履祥妻余氏

吳巖桂妻胡氏

胡 琛妻程氏

祝高照妻汪氏

孫大盈妻譚氏

徐 超妻金氏

徐王氏等

徐善祖妻洪氏

洪青蓮妻黃氏

母彭氏 朱振龍女

宋振元妻祝氏

吳世泰妻周氏

何儒妻江氏

范淮航妻楊氏

曹庭槐妻李氏

江西忠義錄

卷十

列女傳下

五

黃氏張保泰妻鄱陽人咸豐八年賊擄入營適橫溪張氏女亦被擄薄暮賊酋踞坐羣賊擁之至脅跪不屈賊語張曰爾從否張憤罵賊殺之以首擲黃前曰爾若不從以此爲例黃曰我不畏死爾奈我何賊餌以甘言黃捧張頭且哭且罵遂被害

汪氏王貞茂妻鄱陽人避於山賊搜獲之脅以行堅不從並子女縛歸幽之室汪氏知不免密遣子出以刃自斷其喉賊恚甚並其女斫之死

汪氏吳元茂妻樂平人咸豐五年二月聞警汪氏奉祖姑出避爲賊執偪之不從至馬公橋赴水死

王氏監生朱士森妻樂平人咸豐五年三月遇賊將辱之王

氏給以好語得脫匿積薪中以帶自經死

吳氏汪鴻祿妻樂平人咸豐七年賊踞樂平吳氏謂鴻祿曰賊勢如此生而辱不如死也妾且爲君累矣曷先之鴻祿阻之不果六月九日賊大至夫婦倉皇出避賊追及鴻祿吳氏趨救鴻祿免吳氏被執謾罵投水賊刺以矛洞胸死

黎氏湖南候補縣丞樂平齊韶妻咸豐七年六月賊竄臨港黎氏避倪家塢罵賊赴水死

葉氏樂平文童石兆棟妻孀居以節孝聞咸豐十一年二月避亂其子失散葉氏罵賊被害

周氏諸生余丙照母樂平人咸豐十一年二月賊奄至周氏命丙照舉團練禦賊語之曰吾死不足惜汝曹當奮勇殺賊毋怯賊聞而恨之周氏被焚死

王氏楊秉鉞妻樂平人咸豐十一年三月隨夫避亂山中賊

江西忠義錄

卷十列女傳下

六

至夫被獲持械擊賊夫得脫王氏爲賊殺體無完膚

朱氏葉觀保妻樂平人咸豐十一年賊至被執殺其姑以脅之曰從我則生否則死朱氏大罵引頸受刃死

李氏前任甯都州訓導德興舉人徐文炳妻咸豐五年三月賊至子增生家駒勸李氏出避李氏曰汝家六世青衿當以死報國予又忝膺封典何用避爲汝亟督舅禦賊毋顧我遂自盡

朱氏德興諸生步衢長女痛父無子矢志不嫁咸豐八年賊入境欲逼之女罵賊被殺

呂氏教諭胡履信妾德興人夫歿矢志撫孤咸豐十一年三月避亂田牛塢賊至怒罵被刺喉死

余氏德興舉人胡淮妻幼穎悟曉大義事庶姑以孝稱每聞

賊警嘗語人曰不幸遇賊止有一死肯污賊手耶咸豐十一年三月賊縱火搜山余氏伏叢莽中被焚死

王氏程四孫妻德興人咸豐十一年三月賊入境大肆焚掠王氏罵曰吾年百有二未見如此窮極凶惡者賊曰吾以百二刀償爾連刃死

余氏德興諸生胡履祥妻咸豐十一年賊掠其室索財不應賊殺之其女三鳳安徽婺源吳巖桂妻也巖桂死遺腹生子家貧甚有勸其改適者胡曰吳氏只此一線且有老姑在吾不忍也會賊竄婺源焚其屋胡因依母以居賊殺其母胡奪賊刀遂並遇害

程氏德興諸生胡琛妻咸豐十一年賊至琛被執程氏曰與其苦吾夫不如殺我賊並殺之

江西忠義錄

卷十

列女傳下

七

汪氏德興監生祝高照妻咸豐十一年賊至汪氏以年邁且瞽不及避孫炳炎侍左右賊館其家逐汪氏出汪氏不從賊刃之炳炎痛罵並遇害

譚氏孫大盈妻德興人咸豐十一年遇賊於朱潭村被執譚氏厲聲曰可死不可辱賊殺之

金氏德興諸生徐超妻年八十一聞賊至命其子附貢生耿光率子姪堵禦曰敗則各自爲計毋顧我衆潰耿光亟歸視之金氏已自盡同時諸生徐開泰妻王氏投石阬殉難諸生徐樹妻陳氏監生徐立郡妻笄氏均以罵賊不屈被殺

洪氏徐善祖妻德興人年八十聞賊至命子諸生蘊義等督勇堵禦曰汝幸博青衿當報國恩毋顧我勇潰二子遇害

洪氏亦殉於難

黃氏洪青蓮妻安仁人咸豐七年九月十七日聞警扶姑彭氏至貴溪金沙遇賊欲辱之姑抱黃氏不釋手賊殺姑黃氏泣罵投塘死同邑張某妻朱氏振龍之女遇賊以計脫其姑自與子投塘死

祝氏宋振元妻安仁人咸豐七年十月賊偏不從割其耳鼻遂溺死

周氏從九品吳世泰妻安仁人咸豐十年十月攜子避亂於鄉猝遇賊賊脅之曰若不從必殺汝子周氏罵甚厲賊並其子殺之同邑監生何儒妻江氏亦罵賊母子均被殺

楊氏安仁文童范淮航妻貢生巨川女早寡撫姪爲嗣賊將至其子勸之行楊氏曰爾但扶祖亟避毋戀我匿於樓壁被焚死

江西忠義錄

卷十列女傳下

李氏安仁諸生曹庭槐妻奉姑避亂至牛皮灘遇賊賊偏之李氏語姑曰與其全性命不如全名節遂以罵賊被殺

廣信府

郭選英

李連貴妻黃氏諸葛德妻謝

氏

諸葛科妻宋氏

柯某妻陳氏

李芹

吳廷耀妻徐氏

張金雲妻戴氏

姚福屏

楊引鳳

吳氏

鄧福秀妻謝氏

馮家旺妻朱氏

陳蓮英

姜增輝妻項氏

汪初生妻彭氏

朱新元妻曾氏

江帶湖妻蕭氏



潘張氏

陳徒憇妻林氏

王蔭枚妻潘氏

郭選英萬秋女上饒人年十八咸豐五年三月隨父母避於石城崖賊突至女知不免泣請父母早爲計女遂緣崖而奔賊追之女以石擊賊中目見賊來益多投崖下死越日父歸斂之屍骨俱碎面色猶生

黃氏李連貴妻謝氏諸葛德妻均寡黃氏撫孤成立謝氏無子依壻以居咸豐五年賊陷郡城黃懼辱投塘死子駢旺痛罵賊被殺謝投石城巖死俱上饒人  
宋氏諸葛科妻上饒人咸豐五年三月臥病賊猝至搜索無所得詰之宋氏曰家貧如洗卽有豈給汝賊耶賊怒驅入水沈之

江西忠義錄

卷十列女傳下

九

陳氏柯某妻玉山人咸豐五年三月賊至姑促陳氏走避陳氏以夫病不忍去遂被擄乞母傷其夫賊許之陳氏乃從賊行中途罵賊躍水賊刺之死  
李芹嵩靈女玉山人字江山姜氏咸豐八年三月賊至嵩靈集衆拒之斃一賊而退然審賊必再至遣女走避女曰賊勢四逼避將安之女唯一死報父母耳未幾賊麇集殺戮甚慘見女偏之不從大罵被殺

徐氏玉山人監生吳廷耀妻咸豐八年七月隨家屬避亂路遇賊徐氏曰世代書香豈肯受辱亟投塘賊欲出之徐氏憤罵躍入深際死

戴氏張金雲妻玉山人夫婦皆年逾八十咸豐八年十月賊至執其夫拷掠索財賄戴氏哀呼乞命賊不聽毆金雲至死

仆門外戴氏憤罵賊怒火其居被焚死

姚福屏文靜女玉山人年十四未字咸豐十年三月隨母避亂山村賊至掠女去母奪之賊怒欲殺母女謂賊曰舍吾母則汝從賊舍之又顧謂母曰速去毋兩斃度母去遠女憤罵賊殺之投屍於壑

楊引鳳弋陽人品桐女咸豐五年三月賊至女隨母出避中途相失女投河賊引上將辱之大罵被殺年十七

吳氏弋陽方家墩人事舅姑極孝咸豐八年賊入境投塘死謝氏鄧福秀妻貴溪人夫業農生子五咸豐七年夫及長子

備於外二月賊猝至謝氏隨其翁攜四子出避遇賊縛翁去謝氏負幼子馳救賊羣集謝氏奔匿村樓賊踵而登謝氏持

械擊之輒倒賊餌以甘言弗聽縱火焚樓謝氏及幼子同死

江西忠義錄 卷十 列女傳下 三

朱氏貴溪人馮家旺妻咸豐九年避亂文坊山舅被執朱氏求免賊舍其舅欲犯之憤罵不屈支解死

陳蓮英貴溪人國慶女咸豐十一年七月隨母避亂姜塢山賊逼其母蓮英出救賊舍其母逼之不屈賊并殺之

項氏儒士姜增輝妻貴溪人性敦淑咸豐十年避亂山中遇賊欲擄之項氏抱樹不肯行賊怒斫其項棄之去得不死十

一年秋八月賊復至被執拷掠無所得欲逼之項氏抗聲罵賊伸頸示舊痕賊懸之樹舉薪焚之指焦體爛氣不絕如縷

猶泣語人吾以不敢玷辱父母故至此越數日卒

彭氏汪初生妻貴溪人生二子而寡舅姑亦早世依夫叔榮

祿以居咸豐十一年彭氏與諸姑邱氏避亂於弋陽之豬塾

賊至與子相失彭氏屬邱氏曰吾命畢此二子幼死生未卜  
爲我致叔善視之得歸吾夫宗祧足矣言未畢賊欲挾之行  
怒叱之遂遇害賊退得其屍如生

曾氏朱新元妻貴溪人同治三年賊掠朱村有鄰婦匿於其  
室賊偪之曾憤罵奪刃斫賊不中被殺

蕭氏貴溪監生江帶湖妻同治三年賊斫其舅蕭氏以身蔽  
之憤罵遇害

潘張氏貴溪人夫早死子開宗充練勇禦賊東港潘氏偕之  
行擲石擊賊衆潰被執剖腹死

林氏廣豐人陳徒患妻賊斫其姑林氏以身蔽之姑得免林  
氏被殺

潘氏廣豐人縣丞王蔭枚妻蔭枚方卒聞警或勸之避潘氏  
江西忠義錄

曰夫死我何生爲赴水死

九江府

譚鄭氏夏鄭氏

梅學訓妻張氏

彭蠡月 李愛弟

譚鄭氏與夏鄭氏爲姊妹行皆九江民婦咸豐三年正月賊  
陷九江二人遇賊不屈死

張氏梅學訓妻張細妹呂和鳴未婚妻均湖口人錦榮女咸  
豐十年十一月避亂小程安村賊至懼辱姊妹赴塘死

彭蠡月彭澤舉人振瀾女同治二年三月女隨諸母避賊方  
家山四月賊至與諸母相失捫蘿攀棘匿巖穴中賊搜得之

女厲聲曰我豈辱賊者盍殺我賊以刀刺之罵愈厲復斷其  
喉以死七月賊退振瀾得其屍於巖間識其笄履遂歸葬於

其母塋同時有農家女李愛弟年十七爲賊所掠閉樓中求死不得破窗欲逃賊覺而殺之

南康府

黃 湘妻劉氏

劉氏諸生黃湘妻安義人咸豐十一年遇賊百計誘脅之劉氏大罵賊焚其室劉氏抱二歲兒投火死

南安府

張德泰妻鄧氏

子婦曹氏等

黃銘恩嫂某氏

張陳生妻陳氏

鄧氏監生張德泰妻大庾人咸豐八年賊陷城鄧氏謂其家屬曰身可殺不可辱苟且偷生無爲也遂率其子政柄子婦曹氏女孫大妹細妹俱投水死

江西忠義錄

卷十列女傳下

三

某氏耆民黃銘恩嫂大庾人咸豐八年賊大至時族丁團練扼隘僅三百餘人衆怯某氏謂族屬曰汝輩毋以家屬爲念各宜致力防賊効死弗去衆心遂定未幾賊犯梅關遂赴火死

陳氏張陳生妻崇義人夫歿守節咸豐九年正月奉翁光崇姑劉氏抱幼子避亂高陂山賊殺光崇姑憤自盡陳氏被執憤罵賊棄子投水死

贛州府

王汝和妻崔氏

王功勳 女菊英

王汝棻妻謝氏

王脩堂妻黃氏

楊榮華妻葉氏

黃英珏妻楊氏

子婦劉氏孫女愛姑

謝篤誠妻王氏

李某妻蕭氏

曾氏

謝宗繼妻章氏

陳中鳳妻熊氏

劉名珍妻李氏

劉慶耀妻廖氏

李素徽

李樹華妾張氏

崔氏信豐進士王汝和繼妻性貞靜歸王甫一載汝和卒於官從其子扶柩回籍家貧紡織自給課其孫翻讀寒暑無間咸豐六年賊竄邑界崔氏避山中被圍懼汚投崖死

王功勳信豐貢生新龍女幼聰慧善吟詠著有繡餘詩草長適同邑諸生劉文暉樂談忠孝節烈事咸豐六年賊至文暉被執功勳牽衣慟哭賊欲逼之罵不絕聲引賊刃自刺其胸血濺賊衣遂被害女菊英同死難文暉卒死

謝氏信豐廩生王汝榮妻性幽靜夫卒矢志撫孤平時每自言曰我輩不幸遇賊有死無辱而已咸豐六年賊至遂赴水死

江西忠義錄

卷十 列女傳下

三

黃氏王脩堂妻信豐人家貧守寡以紡織養姑四十年無懈志里黨賢之咸豐六年賊至黃氏避北鄉爲賊執抗罵以首觸地賊斫之死

葉氏楊榮華妻信豐人世居邑之長安堡咸豐六年賊至被執葉氏罵曰我非畏死者賊奴何敢乃爾賊怒剖其孕腹死

子西斗同遇害年九歲

楊氏黃英珏妻信豐人性激烈明大義英珏死撫子光慶成立娶劉氏舉人秀棠妹生女孫愛姑性聰慧許字曹某未幾光慶死姑婦孀居戚黨罕見其面咸豐八年賊警日至避於山楊氏謂劉氏曰事急矣不自裁恐受賊辱遂觸石死劉氏偕愛姑同縊於屍側

王氏謝篤誠妻信豐人年二十四而寡以姪承嗣撫之如己  
出性純孝姑病目王氏日以舌舐之疾尋瘳姑每語人曰余  
雖無子幸有賢婦終此暮年無憾矣姑年近八旬臥病者七  
年王氏侍湯藥如一日姑歿葬如禮戚黨賢之同治三年賊  
至被執罵不絕口爲賊亂斫死

蕭氏李某妻與同族曾氏劉氏居鐵石寨同治三年賊圍寨  
寨中居人無多悉出壯丁擊賊留婦女守寨屢擊賊卻之後  
寨陷俱被殺

章氏謝宗繼妻樂善好施凡告貸者踵門無不應家漸落濟  
人仍無吝色鄉里德之同治三年賊至殉難

熊氏信豐舉人熊耀南女性貞烈紡績之暇恒一燈佐讀覽  
古賢母烈女事輒哽咽不能語幼字韻邑文童陳中鳳未嫁

江西忠義錄

卷十列女傳下

五

中鳳爲賊擄熊氏慟不欲生舉家慰之曰被擄者多脫歸盍  
待之踰月知中鳳已死於賊熊氏託疾竟以絕粒死

李氏劉名珍妻龍南人同治三年八月爲賊執脅之不從罵  
曰我青年守志敢辱我乎賊殺之

廖氏劉慶耀妻龍南人同治三年八月扶其姑出避賊追及  
之廖氏以利刃刺賊賊憤甚斷首刳腹死

李素徽職員樹芸女龍南人同治三年八月賊破獅山圍女  
投池未死賊拘諸室將自縊賊覺之脅以刃女罵賊賊怒被  
害

張氏李樹華妾龍南人年二十二樹華病革語之曰予死汝  
去留自決之不汝強也張氏泣曰嫡庶名分雖殊從一而終  
義弗易也樹華旣死張氏撫孤事嫡如初同治三年賊破獅

山圍不辱死

江西忠義錄

卷十 列女傳下

三



三

江西忠義錄卷之十一

流寓傳

楊邦楨

吳錫華

徐夔

劉潤之

吳曾定 吳學斌 劉必惠 吳仲宣 趙應昌

趙震

張濟美

周時熙 劉國珍等

何彥琪

袁寅

黃金誥

童煒

朱鑫車

九疇

楊邦楨 福建閩縣人 從九銜 游幕江西 咸豐三年 賊陷瑞州

邦楨遇害

吳錫華 安徽桐城庠生 投徒南昌 咸豐三年 挈眷居新建七

江西忠義錄

卷十一

流寓傳

家坊 五月 賊掠各鄉 執錫華 脅降 不從 施以酷刑 罵不絕口

遂遇害

徐夔 字辰伯 江蘇常州監生 游幕鄱陽 咸豐三年 七月 賊陷

饒郡 夔死之 母某氏 妻劉氏 同投井死

劉潤之 順天甯河縣生員 佐萬安 知縣王家棣之幕 咸豐三

年 賊陷萬安 罵賊殉難

吳曾定 字子靜 江蘇陽湖監生 吳學斌 字叔英 失其里 劉必

惠 吳仲宣 江蘇武進人 趙應昌 直隸人 均佐泰和 知縣吳曾

泰之幕 咸豐五年 賊竄泰和 曾泰 遷其眷屬於吉安 五人從

之踰年 吉安城陷 並及於難 同時職員 陳鈺 儒士 周以衡 俱

江蘇吳江縣人 不屈被害

趙震 字雨辰 浙江會稽人 從九品銜 客廣信 知府袁某之幕



咸豐五年賊至震勸袁固守袁意猶豫震請懷印誓同死守力爭不得城陷震罵賊死署中附祀上饒知縣蔡中和祠張濟美福建某縣庠生寓義甯州城亥市咸豐五年州城被圍濟美隨邑紳堵禦城陷死之自命義不可忘也於難

何彥琪字湘人江蘇江陰監生建昌知府何栻從子也咸豐七年栻挈眷居新城彥琪從之七月新城陷遂遇害同時幕客陳濟之字吉甫江陰監生陳德亮海甯廩生陳廷弼及僕陳方谷二元同殉焉

江西忠義錄

卷十一

流寓傳

二

袁寅字地觀江蘇太倉人咸豐七年冬在玉山縣襄辦守備王增貴營務增貴力戰死寅亦殉焉甯廩主東武城又黃金誥江蘇丹陽人前南豐知縣之晉從子之晉以南豐失守投劾去金誥仍留縣中佐後任軍事咸豐八年南豐復陷金誥及幕友唐安國均殉焉

童焯字朗軒浙江山陰增生游幕江西從候補知縣夏燮寓省垣會知縣趙樸庭署新昌延焯襄刑名新昌初陷焯乘間得脫仍依燮省寓中樸庭復縣城趨之往燮以賊方熾止毋行越日書復至焯慨然曰死生有命義不可忘也遂行未幾城復陷同及於難

朱鑫車九疇俱職員失其里徐步瀛湖北江夏縣廩貢生熊均霖廣濟縣附生均就幕靖安同治十年十二月土匪撲縣

城被害

江西忠義錄

卷十一  
流寓傳

三



江西忠義錄卷之十二

勞故傳

守土

汪報閏

李世琦

沈秉鏐

廖士樊

張亮采等

汪報閏字桐階江蘇山陽人以恩蔭部郎補官南安知府蒞任力興文教政尚寬簡士民咸頌之咸豐四年賊圍韶州廣東援絕南雄知州孫福謙乞師於報閏報閏請調南康勇三千人越境援之匝月而賊平是冬賊復圍韶請調勇如前大吏難之報閏與福謙固請五年正月援師踰嶺四月韶州圍解署吉南贛甯道六年按察使周玉衡殉難吉安副將周鳳山師潰於樟樹賊踞袁瑞撫建吉臨等郡於是信豐零都土江西忠義錄

卷十一

勞故傳

一

匪皆為賊應不數日薄贛州城下勢張甚報閏度江西無兵可援而城中兵勇又不足破賊乃請援於兩廣總督葉名琛名琛報閏妹婿也又以報閏再解韶州圍義當報為遣潮州鎮壽某援之大戰於城外東關圍遂解是時贛州以餉絀勢方岌岌微粵軍來援事幾殆會大吏以他恨劾其侵帑時方授福建邵武道未行令赴省聽勘悒悒成疾而卒贛之紳民冤之相與尸祝焉

沈秉鏐字春橋江蘇吳縣人嘉慶己卯舉人由教職敘江西知縣加知州銜咸豐三年賊犯省城秉鏐守惠民門積勞卒先是省城被圍秉鏐妻施氏避瑞州遇賊與其妾張氏子婦李氏等死之惟一子得免凶耗至秉鏐不哭曰若輩得死所矣同時丁憂江西即用知縣張亮采江西試用縣丞魏珍先

候選府經歷鄧仁春候選從九品張旭奇贛州所千總聯元均以積勞得疾卒

李世琦字慕韓甘肅武威人咸豐二年署義甯知州會瀏陽徵義堂土匪起請設防州城始立軍需公局三年知州葉濟英回任大吏檄世琦辦理義甯武甯防剿事宜四年會官軍復武甯旋以軍事赴永豐卒於道

廖士樊字秋嵐建昌縣人嘉慶庚午舉人任義甯州訓導咸豐二年州城設軍需局士樊嘗為勸捐募勇並設防於血樹坳四年春賊圍州城偕知州固守以功敘光祿寺署正銜調南昌府教授未及赴任以積勞卒於署

江軍

劉于浚

朱景伊

江西忠義錄

卷十一

勞故傳

杜棻

熊詠藻

徐德庸

譙長清

辜梅林

劉笏廷濟壬

馮添福

陳鎮南

周杏林

邱飛熊

王炳

曹篤清

宛世恩

熊得凱

桂攀

鄧坤泰

唐書麒

周洪吉

哈明輝

田作霖

涂安邦

李壽增

劉于浚字少雲南昌人援例為縣佐効力南河咸豐八年大

學士桂良奉使上海過淮辟爲從事踰年曾國藩檄佐江軍隨兄于潯駐師浮梁十一年守撫州謀報賊犯樟鎮于潯親率兵馳援留于浚守城戒曰我往寇必來宜堅守待救勿浪戰七月賊果分股犯撫州諸將請戰于浚勿許知府固請之答曰賊知吾兄在外方謀致死於我利在速戰今我堅守伺其懈而擊之蔑不濟矣越兩月援兵至內外合擊大敗之賊再竄撫州于浚以奪文昌橋積勞致疾同治八年卒累擢至同知

朱景伊南昌人道光丁酉舉人積功擢直隸州知州咸豐四年劉于潯初立江軍延之贊畫六年督勇攻臨江河口時江西各郡皆爲賊擾景伊請抽釐協餉得不竭十一年水師駐豐城樟樹間于潯奉檄援撫州景伊從之行賊分竄豐城樟江西忠義錄

卷三 勞故傳

三

樹于潯回援以城守屬弟于浚景伊佐之圍解景伊卒於軍中

杜棻新建貢生積功敘通判加同知銜與南昌朱景伊交最善二人皆慷慨厲志節咸豐四年劉于潯立江軍營棻專辦文案景德鎮之役江軍駐營鳳岡留棻守之賊不敢犯十一年從援撫州卒

熊詠藻南昌人江軍營司文案從克臨江撫州等處俱有功保藍翎知縣同治三年七月疾卒於撫州軍中

徐德庸字仲平龍南人由監生考取武英殿供事議敘府經歷分發安徽署懷甯縣縣丞以功擢知縣咸豐二年奉檄回籍坐探軍務咨留江西軍營差委三年檄赴饒州募勇號新平營五月賊圍南昌偕鄱陽令沈衍慶馳援至則九江總兵

馬濟美戰歿賊乘勝撲城下德庸分所部爲二隊擊卻之尋  
駐進賢門外時城東西北三面皆賊惟南路以德庸各軍駐  
營賊不敢犯得以通撫建接濟德庸擇驍健伏河干遇賊由  
水道瞰南路則舉旗爲號伏兵見旗幟悉趨之故賊不得逞  
久之卒於營

諶長清新建人隸江軍行營隨攻浮梁景德鎮守撫州積功  
敘縣丞同治二年八月卒於軍

辜梅林南昌人援例授從九品咸豐五六年間賊陷各郡餉  
匱市汊瑞河口設局抽釐梅林董其事水陸諸軍賴之迭復  
郡縣以功敘縣主簿十一年夏解餉赴景德鎮途次中暑卒  
劉笏廷監生濟王從九品兄弟也龍泉人咸豐三年邑西北  
鄉土匪起笏廷以捐貲團練敘七品六年賊陷縣城七年知

江西忠義錄

卷三 勞故傳

四

縣田博厚自楚乞援軍至甫入境藻林土匪嘯聚爲賊應扼  
險以阻我師笏廷爲所羈乃潛遣濟王投營爲鄉導增募新  
吉字東營濟王將之隨楚軍復縣城湖南巡撫駱秉章敘功  
以從九品用九年冬賊竄南安陷崇義與龍泉毗連吉南顧  
甯道汪報閩檄濟王募勇五百署曰合字營義勝軍並令援  
崇義笏廷捐貲製軍械給行糧十年正月駐過埠五戰皆捷  
旋中伏軍敗濟王墜馬折左腕笏廷爲增器械補傷亡濟王  
病稍愈偕崇義知縣朱某乘賊外掠由杰壩間道復縣城賊  
遁桂陽乃振旅還會餉匱士大譁笏廷與濟王破產分給之  
事始定笏廷前以復龍泉功敘知州銜二人皆以積勞卒

馮添福安徽安慶石牌人少苦貧入樂部爲伶工旣而悔之  
咸豐初投江軍爲勇丁遇敵輒前江軍戰浮梁景德鎮地險

賊悍屢失利添福不少卻以功屢擢至遊擊奉檄守撫州城  
戰文昌橋功尤卓同治三年八月卒於撫州軍次

陳鎮南南昌人初隸饒防安旅軍從征景德鎮有功改隸江  
軍充水師後營哨官戰文昌橋以功擢花翎遊擊同治四年

五月歿於銅鑼港防次

周杏林性任俠原籍高安以父游幕家於蜀父出久不歸杏

林尋父還江西遂入江軍每戰輒執大旗突陣所向皆靡以

功授花翎遊擊同治六年五月卒於市汊防次

邱飛熊義甯州武生多力善射投効江軍水師充中營哨官

破臨江克撫州俘斬甚眾積功擢都司補額標羊角營外委

同治三年八月卒於撫州防次

王炳金谿人以標兵投効江軍充哨官屢以功遷擢都司補

江西忠義錄

卷五 勞故傳

五

撫標左營千總咸豐八年攻撫州項下中礮成瘵疾失音同

治元年八月初五日卒於臨江孔埠防次

曹篤清湖南人本姓谷初從楚師援江西後隸江軍臨敵必

深入迭著戰功擢都司加遊擊銜咸豐十一年夏逆酋李世

賢再犯樟鎮戰烈日中中暑卒

宛世恩回部寄籍南昌以營卒隸撫標咸豐十一年入江軍

從征安義建昌轉戰豐城樟樹鎮以守撫州功擢都司同治

七年正月卒於新淦防所

熊得凱南昌人初入營為步校擊賊於新喻羅坊功為最擢

都司加遊擊銜充左營水師哨官咸豐十年八月舊傷發卒

於饒州營次

桂攀德化武生隸撫標咸豐五年投李逢春營從征臨江樟

樹撫州建昌浮梁皆有功戰梁家渡斷賊浮橋攻景德鎮奪火牌功尤著擢都司尋管帶水師後營以屢被重創成瘵疾咸豐十年五月十四日卒於饒州營次

鄧坤泰

一作劉坤泰

南昌人初爲五局練勇多力善戰嗣隸江軍

臨江樟樹鎮之役推首功擢守備同治元年八月以疾卒於軍

唐書麒回部寄籍南昌世習武技書麒尤健隨克臨江以功

擢千總加守備銜咸豐八年十月病卒

周洪吉南昌人隸江軍行營咸豐九年從克安徽建德有功

擢千總同治二年戰陶家渡中暑暴亡

哈明輝回部寄籍南昌由行伍授新城汛把總隸江軍從征

潯灣以先登賊壘功擢千總同治六年六月卒於軍

江西忠義錄

卷上

勞故傳

六

田作霖湖北武昌人其家世以武功顯作霖年二十餘隸江

軍充水師哨官從征臨江有功擢把總咸豐八年五月隨大

營赴撫州中暑卒

涂安邦南昌人起於卒伍積功擢把總加守備銜咸豐八年

隨大軍攻撫州連戰皆捷五月疾作卒於軍

李壽增南昌人好技擊江軍初立隨劉于潯爲裨將咸豐七

年攻臨江垂克賊偵知于潯家在梓溪從征多里中子弟謀

疾趨中洲潛襲之壽增會副將萬立松馳救賊自東岸爲浮

梁以濟方半渡壽增突擊之賊敗遁旋擊河口及撫州賊皆

敗之復攻景德鎮舊創迸發卒於軍

仕宦

夏廷樾

洪 璠



張家駒

甘 晉

彭定瀾

查炳辰 子連珠

萬方昌

夏廷樾字憩亭新建人縣丞分發湖北道光十一年署蘄州州判隨平趙金龍亂敘知縣歷署通山咸甯黃梅大冶縣有聲二十年補竹溪縣以兄廷楨授漢陽知府改補湖南湘陰未行崇陽土匪鍾人傑陷蒲圻通城總督裕泰欲合兵殲之廷樾力請予限三日令自縛首逆歸命乃攜總督示諭入崇陽散其黨次日果縛人傑出三城立復以功擢同知直隸州調湘陰旋調湘潭長沙升古丈坪同知擢永順府知府攝鹽道篆三十年率勇偕提督向榮擒新甯土匪李元發以道員用會以事被議咸豐二年長沙圍解以功復職剿瀏陽土匪

江西忠義錄

卷三

勞故傳

七

加運司銜三年南昌被圍奉檄統湘楚勇赴援時賊方張而泰和土匪陷安福攻吉安欲與賊合江忠源商令分所部援吉安廷樾駐樟樹以斷賊勢至樟樹果得土匪謀聞其謀遂沮奸民乘亂劫掠廷樾獲十餘人斬之人心大定南昌圍解以道員記名旋兼署湖南糧鹽道授四川鹽茶道按察使湖北布政使廷樾馳赴任兼攝巡撫篆會總督楊霽潰師於廣濟被劾遂及廷樾降三級離任疾作就醫於湘陰六年賊酋石達開擾江西廷樾勸捐湘潭助湖南援軍餉七年彪營統領吳坤修援瑞州邀廷樾同行已就醫劉騰鴻營襄贊軍務瑞州平湖南巡撫檄辦礮捐及茶釐總局由是病益劇九月卒

洪璠字國弼安仁人道光丁酉拔貢庚子舉人庚戌進士授

兵部主事歷充鄉會試同考官武會試提調海升郎中京察一等援例以道員分發湖北同治六年督辦武昌黃州團練人以爲不擾旋委辦碭堡適賊竄麻城督官紳練勇分守要隘賊知有備遂退走會鮑超舊部駐黃州將謀變璠單騎馳入營導以忠義衆心始定七年春擒匪擾湖北璠往返巡視各碭堡以功加鹽運使銜九月卒

贈光祿寺卿

正字

張家駒字六琴南城人道光己亥舉人由教職敘知縣分發安徽歷署潛山旌德縣及鳳潁同知充咸豐壬子科同考官三年安徽巡撫周天爵檄辦江北團防七月 欽差大臣袁甲三調赴行營總理營務督兵防黃河戰屢捷擢直隸州知州擒匪竄蒙城宿遷等處擊走之加知府銜攻破壽州俞家圍及亳州寺兒集賊巢 賞戴花翎五年六月丁父憂回籍

江西忠義錄

卷三

勞故傳

八

僕寺卿

甘晉字子大奉新人道光丁酉拔貢己亥舉人辛丑進士官

禮部主事咸豐二年丁母艱回籍四年江西巡撫陳啟邁延至省城辦理紳團局務兼辦湖南礮船軍餉經費五年春侍郎曾國藩駐南昌檄會辦楚軍後路糧臺以功擢員外郎八年丁父艱九年加四品卿銜同治元年國藩檄至安徽令辦營務以疫卒國藩以前後積勞死事者九十餘員入告晉得

追贈光祿寺卿廕子如例

同治六年晉繼知昌黃州團練

彭定瀾字恬舫樂平人道光乙酉舉人選授弋陽縣教諭葺

學宮建疊山書院皆身倡之邑有李某者素強悍以錢漕事聚眾與官相持定瀾往諭之散其眾而挈李某昇縣令事遂寢李某歸卒爲善士旋隨巡撫陸應穀入都相度 萬年吉地得平安峪吉壤咸豐三年賊竄江西奉 旨回籍辦理團練五年督辦徽甯軍務張芾徵至幕中凡四年積功授同知九年奉 旨入都審定吉地山向事竣分發安徽以同知儘先補用並加知府銜旋敘軍功以知府儘先補用十年復奉 旨相度 皇太后寢園得吉壤於順水峪同治元年回安徽三年補安慶同知兼辦城團江甯克復加道銜四年署池州知府民情大洽解任奉檄查沿江釐卡復往婺源查辦事件以疾卒 欽差大臣李鴻章奏請照軍營積勞立功後病故例議卹 贈光祿寺卿銜蔭子如例定瀾著有兵家方道

江西忠義錄

卷十

勞故傳

九

指南集硯食齋詩稿梓行

查炳辰字北樞義甯州人增貢生援例選授廣西慶遠府經歷咸豐二年十二月蒞任署忻城土縣典史辦理團練三年二月武緣土匪李太犯宜山炳辰督練勇禦於羅墨渡敗之四月賊攻慶遠府城炳辰守南門旋出城擊賊賊敗遁城圍立解五月隨大軍剿賊八旺等處皆有功署宜山縣事時寇亂之餘炳辰撫字周摯民咸德之復署天河思恩等縣均有聲五年署河池州知州州治無城賊屢窺之炳辰籌防嚴固卒不得逞然以是致疾嗣剿賊那地州遂病歿子連珠字涓川議敘從九品以隨任至廣西投効軍營辦理左江道糧臺復隨按察使蔣益澧復柳州慶遠歿於大曹村軍次

萬方昌南昌人以衛千戶入營從征有功擢安徽宣州衛僉

事咸豐十一年七月卒於荏港營次

江西忠義錄

卷上

勞故傳

十

08396

782.624

21203

8396

江西忠義錄

(清)何應祺等纂

河北省立  
天津圖書館

782.624

21203

8396

